

821600		Rekonstrukcija i investiciono održavanje	94.515,75	490.600,00	0,00	0,00%	0,00%
821624	0111	Investiciono održavanje zgrada	94.515,75	490.600,00	0,00	0,00%	0,00%
990000		Konto budžetske rezerve	0,00	100.000,00	0,00	0,00%	0,00%
999000		Konto budžetske rezerve	0,00	100.000,00	0,00	0,00%	0,00%
<b>6+82+99</b>		<b>UKUPNO RASHODI I IZDACI</b>	<b>31.042.089,21</b>	<b>39.695.000,00</b>	<b>23.989.801,13</b>	<b>77,28%</b>	<b>60,43%</b>

Na osnovu člana 95. i 101. Zakona o budžetima u Federaciji Bosne i Hercegovine ("Službene novine Federacije BiH", broj 102/13, 9/14, 13/14, 8/15, 9/15, 102/15, 104/16, 5/18, 11/19, 99/19), člana 36. i 37. Zakona o računovodstvu i reviziji u FBiH ("Službene novine Federacije BiH", broj 15/21), Uredbe o računovodstvu budžeta u Federaciji Bosne i Hercegovine ("Službene novine Federacije BiH", broj 34/14) i člana 28. Statuta Općine Ilidža ("Službene novine Kantona Sarajevo", broj 33/10 - Prečišćeni tekst, 18/16), Općinsko vijeće Ilidža, na 12. redovnoj sjednici održanoj dana 31.03.2022. godine, donijelo je

### ODLUKU

#### I

Usvaja se Godišnji finansijski izvještaj Općine Ilidža za period od 01.01.-31.12.2021. godine prema iskazanom Računu prihoda i rashoda za period 01.01.-31.12.2021. godine.

#### PRIHODI:

1.	Porez na dobiti pojedinaca i preduzeća	(711000)	1.044,83
2.	Porez na imovinu	(714000)	7.120.303,16
3.	Poreza na dohodak	(716000)	381.407,25
4.	Prihodi od indirektnih poreza	(717000)	8.660.726,49
5.	Ostali porezi	(719000)	491,43
6.	Prihodi od poduzetničkih aktivnosti i imovine i prihodi od pozitivnih kursnih razlika	(721000)	627.330,57
7.	Naknade i takse i prihodi od pružanja javnih usluga	(722000)	7.168.402,17
8.	Novčane kazne (neporezne prirode)	(723000)	1.300,00
9.	Primljeni tekući transferi od ostalih nivoa vlasti	(732000)	144.821,05
10.	Donacije	(733000)	60.000,00
11.	Kapitalni transferi od ostalih nivoa vlasti	(742000)	2.449.623,68
	<b>UKUPNO:</b>		<b>26.615.450,63</b>

#### RASHODI:

1.	Plaće i naknade troškova zaposlenih	(611000)	7.087.985,09
2.	Doprinosi poslodavaca i ostali doprinosi	(612000)	651.736,86
3.	Izdaci za materijal, sitan inventar i usluge	(613000)	2.041.437,44
4.	Tekući transferi i drugi tekući rashodi	(614000)	7.955.701,27
5.	Kapitalni transferi	(615000)	5.634.827,36
6.	Tekući rashodi (1-5)		23.371.688,02
7.	Kapitalni izdaci (Izdaci za nabavku stalnih sredstava)	(821000)	618.113,11
	<b>UKUPNO:</b>		<b>23.989.801,13</b>

#### II

U periodu od 01.01.2021. godine do 31.12.2021. godine ostvareni su:

1.	Ukupni prihodi i primici	26.615.450,63
2.	Ukupni rashodi i izdaci	23.989.801,13
3.	Razlika između ostvarenih prihoda i primitaka i rashoda i izdataka	2.625.649,50

#### III

Razlika između ostvarenih prihoda i primitaka, rashoda i izdataka u 2021. godini prenosi se u Budžet za 2022. godinu.

#### IV

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-02-1341/22-3  
31. marta 2022. godine  
Ilidža

Predsjedavajući  
**Tarik Stambolić**, s. r.

Na osnovu člana 6. Zakona o komunalnim taksama ("Službene novine Kantona Sarajevo", broj 8/22), člana 13. alineja (4) Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09) i člana 86. Statuta Općine Ilidža ("Službene novine Kantona Sarajevo" broj 33/10 - Prečišćeni tekst, 18/16), Općinsko vijeće Ilidža, na 12. redovnoj sjednici održanoj dana 31.03.2022. godine, donijelo je

### ODLUKU

#### O VISINI KOMUNALNIH TAKSI OPĆINE ILIDŽA DIO PRVI - OPĆE ODREDBE

##### Član 1.

(Predmet)

Ovom odlukom utvrđuju se vrste komunalnih taksi (u daljem tekstu: taksa), kriteriji i visine takse na području općine Ilidža, oslobađanje od plaćanja i način plaćanja u skladu sa Zakonom o komunalnim taksama ("Službene novine Kantona Sarajevo", broj 8/22), (U daljem tekstu: Zakon).

##### Član 2.

(Definicije pojmova)

- (1) Definicije pojmova u smislu Odluke o visini komunalnih taksi Općine Ilidža (u daljem tekstu: odluka):
  - a) svaka istaknuta firma podrazumjeva naziv pod kojim posluje pravno ili fizičko lice i to postavljena kao označavanje sjedišta odnosno poslovne jedinice na mjestu poslovanja;
  - b) držanje sredstava za igru (bilijar, automati, fliperi, video igre, pikado, aparati za posebne igre na sreću i sl.) podrazumjeva svaki uređaj kojim se naplaćuje provedeno vrijeme jednog ili više konzumenata takvih uređaja;
  - c) poslovni prostor u kojem se priređuju klasične igre na sreću i posebne igre na sreću podrazumjeva svaki poslovni prostor u kojem se priređuju klasične igre na sreću i/ili posebne igre na sreću;
  - d) držanje i izvođenje muzike uživo u ugostiteljskim objektima podrazumjeva povremeno ili svakodnevno izvođenje muzičkog programa (muzika uživo) uz pružanje ugostiteljskih usluga;
  - e) isticanje objava, oglasa i saopćenja na javnim mjestima podrazumjeva postavljanje stalnih ili privremenih objava, oglasa i saopćenja na javnim mjestima u štampanoj ili elektronskoj formi. Ovdje se podrazumjeva reklamiranje brendova, proizvoda ili usluga koje pružaju pravne ili fizičke osobe, ili koje imaju svrhu putokaza prema mjestu sjedišta sponzora koji ih je postavio;
  - f) svako korištenje prostora na mjestima za kampove (šatore, prikolice i motorna vozila svih kategorija) podrazumjeva zauzimanje prostora za privremeni boravak od strane jedne ili više osoba;
  - g) postavljanje uređaja za isplatu i naplatu gotovine, (bankomata) podrazumjeva svako zauzimanje površine radi postavljanja i instaliranja ovakvih

uređaja u svrhu pružanja usluga prema konzumentima;

- h) postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu, ili posredstvom telekom operatera (kafemati, parkomati i sl.) podrazumjeva postavljanje navedenih uređaja koji automatskom obradom podataka obračunavaju i naplaćuju razne vrste usluga bez osobnog posredovanja konzumenta sa pružaocem usluga koji može biti registrovan kao fizička ili pravna osoba.

#### DIO DRUGI - TAKSENI OBAVEZNICI I NASTANAK OBAVEZE

##### Član 3.

(Vrste taksi)

- (1) Na području općine Ilidža propisuje se i naplaćuje taksa za:
  - a) svaku istaknutu firmu;
  - b) držanje sredstava za igru i igre na sreću (bilijar, automati, fliperi, video igre, pikado i aparati za posebne igre na sreću);
  - c) poslovni prostor u kojem se priređuju klasične igre na sreću i posebne igre na sreću koje su definisane odredbama Zakona o igrama na sreću ("Službene novine Federacije BiH", broj 48/15 i 60/15) i eventualnim izmjenama i dopunama;
  - d) držanje i izvođenje muzike uživo u ugostiteljskim objektima;
  - e) isticanje objava, oglasa i saopćenja na javnim mjestima;
  - f) korištenje prostora na javnim mjestima za kampove (šatore, prikolice i motorna vozila svih kategorija);
  - g) postavljanje uređaja za isplatu i naplatu gotovine, (bankomata) i
  - h) postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatera (kafemati, parkomati).

##### Član 4.

(Početak nastanka obaveze)

- (1) Taksena obaveza iz člana 3. stav 1. tačka a) ove odluke nastaje danom početka obavljanja djelatnosti koje je definisano odobrenjem za rad odnosno danom izdavanja rješenja o registraciji poreznog obveznika.
- (2) Taksena obaveza iz člana 3. stav 1. tačke b) do h) ove odluke nastaje u trenutku kada se počinje koristiti predmet i usluga za čije je korištenje ovom Odlukom propisano plaćanje takse.

##### Član 5.

(Obveznici plaćanja takse)

- (1) Obveznici plaćanja takse su sva pravna i fizička lica koja obavljaju djelatnost na osnovu odobrenja/rješenja nadležnog organa i posluju na području općine Ilidža, odnosno lica koja su korisnici prava, predmeta i usluga za čije korištenje je propisano plaćanje takse.
- (2) Porezni obveznici dužni su podnijeti Poreznoj upravi Ispostava Ilidža prijavu komunalne takse u rokovima koji su utvrđeni članom 11. i 12. Zakona.
- (3) Porezna prijava komunalne takse podnosi se na propisanom obrascu koji čini sastavni dio ove Odluke.
- (4) Pravna lica kao poreski obveznici, dužna su poreznu prijavu komunalne takse podnijeti elektronski.

- (5) Podnošenje izmijenjenih prijava i prijava u ime poreskog obveznika će vršiti Poreska uprava u skladu sa Zakonom o poreznoj upravi Federacije Bosne i Hercegovine ("Službene novine Federacije BiH", br. 33/02, 28/04, 57/09, 40/10, 27/12, 7/13, 71/14 i 91/15) po službenoj dužnosti.

#### DIO TREĆI - KRITERIJI, POSLOVNE ZONE I VISINA TAKSE

##### Član 6.

(Kriteriji)

Kriteriji za određivanje visine takse su: poslovna zona u kojoj se djelatnost obavlja i pravni status poreznog obveznika.

##### Član 7.

(Poslovne zone)

#### (1) Područje Općine Ilidža dijeli se na pet poslovnih zona i to:

- a) extra poslovna zona
- b) prva poslovna zona
- c) druga poslovna zona
- d) treća poslovna zona
- e) četvrta poslovna zona

#### (2) Extra poslovna zona obuhvata ulice:

Džemala Bijedića od Trga "Bulevar Meše Selimovića" sa kompleksom "Heco - Pijaca" i poslovnim centrom "Radon plaza" "Oslobodenje", Rustempašina, Ustanička, Mala aleja, Harisa Merzića/autobuski i tramvajski terminal, Dr. Mustafe Pintola, Butmirska cesta - desna strana od kružnog toka do ulaza u naselje Butmir.

Međunarodni aerodrom Sarajevo (ulica Kurta Schorka 36).

Centralni park u obuhvatu-ulice: Banjska-ljjeva strana, Hrasnička cesta od raskrsnice sa ulicom Banjska do ulice Velika aleja, Velika aleja, IV Viteške brigade od raskrsnice sa ulicom Velika aleja do raskrsnice sa ulicom Hrasnička cesta, Jasike završno sa objektom bivše šumarske škole i Karla Maja.

Kompleks Vrelo Bosne/izvorište rijeke Bosne/sa ulicom Vrelo Bosne od izvorišta rijeke Bosne završno sa velikim parkingom

#### (3) Prvu poslovnu zonu čine ulice:

Tvornička i Pijačna sa kompleksom "ENERGOINVEST" i bivše fabrike "SIMES", Kurta Schorka od mosta na rijeci Miljacki do Međunarodnog aerodroma Sarajevo.

Butmirska cesta – lijeva strana od kružnog toka do ulaza u naselje Butmir, Emira Bogunića Čarlija i Ibrahima Ljubovića

Samira Čatovića Kobre, Magistrala od mosta na rijeci Željeznici do raskrsnice sa ulicom Blažujski drum, Lužansko polje do podvožnjaka, Hrasnička cesta od mosta na rijeci Željeznici do ulice Banjska i od raskrsnice sa ulicom Velika aleja do kružnog toka i kompleks "Stojčevac".

#### (4) Druga poslovna zona obuhvata ulice:

Umihane Čuvidine od raskrsnice sa ulicom Hrasnička cesta do raskrsnice sa ulicom Ahmeta Ljubunića, Hrasnička cesta što nije u extra i prvoj poslovnoj zoni.

Trg branilaca Hrasnice, 6. April od ulice Put Famosa do raskrsnice sa ulicom Izeta Musića, "Industrijska zona FAMOS", dr. Halid bega Hrasnice od ulice Put Famosa do ulice Školska, Ejuba Sarajkića, Igmanskih bataljona od Hrasničke ceste do raskrsnice sa ulicom Ahmeta Bošnjaka.

Bosanskih gazija, Josipa Slavenskog, Prve Samostalne brigade, Edhema Eke Džubura, Željeznička, 12. Mart, 25. Novembar, Abdulaha ef. Kantamirije, Dr. Fuada Muhića, Gazi Hasan paše, Gliše Jankovića, Midhada Hujdura Hujke, Mustafe Ice Voljevice, Nasihe Kapidžić Hadžić, Tome Međe i Zaima Topčića.

IV Viteške brigade što nije u extra zoni, Jahijela Fincija, Josipa Pančića, Hamze Čelenke, Krste Hegedušića, Karima Zaimovića, Čolakovića kula, Ramiza Jašara, Šemsudina Sarajlića i Vinka Šamarlića.

Magistrala od raskrsnice sa ulicom Blažijski drum i Blažijski drum.

Blažuj, industrijska zona "Bosanka", Rakovička cesta od kružnog toka (Mostarsko raskršće) do ulice Plantaže (Plavi granap).

Hifzi Bjelavca, Nikole Šopa, Ismeta Alajbegovića Šerbe, Briješćanska, Vitomira Lukića i Joze Penave.

Stupska do raskrsnice sa ulicom Latička.

Aleja Bosne Srebrene, dr. Silve Rizvanbegović.

**(5) Treću poslovnu zonu čine ulice:**

Butmirska cesta od ulaza u naselje Butmir, Ilirska, Poligonska, Izeta Čomare od mosta na rijeci Tilavi do ulice Butmirska cesta i Aerodromska.

Ahmata Ljubunčića, Ajvaz Dedina, Aladža, Bjelašnička, Džananova, Ferhat paše Sokolovića, Francuske revolucije, Huseina Đoze, Ibrahima Hafiza Riđanovića, Igmanska cesta, Marice Uherke, Nihadija, Osmana ef.Rastodera, Sestara Elčić, Trg 22. Aprila, Kapetana Hajre Mešića, Umihane Čuvidine što nije u drugoj poslovnoj zoni.

6. April što nije obuhvaćeno drugom poslovnom zonom, Derviš paše Bajezidagića, Generala Izeta Nanića, Izeta Musića, Put Famosa od ulice 6. April do Industrijske zone "Famos", Šehitluci i Gaj.

Ahmada Bošnjaka, Čamila Marića, Dr.Halid bega Hrasnice što nije u drugoj poslovnoj zoni, Igmanskih bataljona što nije u drugoj poslovnoj zoni, Reisa ef.Hadžimerovića, Sabita Uzičanina, Školska i Stari drum do raskrsnice sa ulicom Ruževik.

Vreoca, Plandište, Vrelo Bosne što nije obuhvaćeno extra poslovnim zonom, Bosanski ljljan, Sarajevska rijeka, i Slana bara.

Kamenolom, Mali kiseljak, Zujevinska, Vlakovo sa parking prostorom.

Osik, Barska, Fadila Hadžića, Fridricha Kacera, Oteška, Seada Sinanovića, Trg oteškog bataljona, Ivana Brkića, Vjekoslava Klaića, Rahima Čatovića i Dragana Kulidžana.

Azići, Bare kod Stupa, Bojnička, Mehe Porobića.

Dobrinjska, Kasindolska, Latička, Lepenička, Nikole Kolumbića Šake, Stupska što nije obuhvaćeno drugom poslovnim zonom, Davorina Popovića., 14. Maj 92., Dr. Atifa Purivatre, Dr. Ibrahima Tepića, Dr. Avde Sućeske, Dr. Sejda Hukovića, Dr. Ševala Zildžić-Iblizović, Friedricha Adolfa, Kasindolskih žrtava, Mehmedalije Bojića, Salke Terzića, Smajila Balića, Zdenka Markulja i Zuhdije Kadrića.

Dr. Kasima Begića, Munira Gavrankapetanovića, 18. Septembar, Enisa Srne, Ešrefa Kovačevića, Fehim Agić-aga, Kenana Dubravića, Olivera Ibrahimovića i Stupsko brdo.

**(6) Četvrtu poslovnu zonu čine sve ulice sa područja općine Ilidža koje nisu obuhvaćene extra, prvom, drugom i trećom poslovnim zonom.**

**Član 8.**

(Visina komunalnih taksi)

Ovom odlukom utvrđuje se visina komunalnih taksi prema Tarifnim brojevima, kako slijedi:

**Tarifni broj 1.**

- a) Obrtnici/samostalni privrednici odnosno fizička lica koja obavljaju privrednu djelatnost ili zanimanje, a koja su registrovana u nadležnoj općinskoj službi ili kod nadležnog ministarstva, **za svaku istaknutu**

**firmu, oznaku, obilježje ili natpis, plaćaju godišnju taksu kako slijedi:**

Obrtnici/samostalni poduzetnici odnosno fizička lica koja obavljaju privrednu djelatnost ili zanimanje	Z O N E – iznos takse u KM				
	EXTRA	I	II	III	IV
Ostvareni prihod u prethodnoj godini <b>manji od 25.000,00 KM</b>	100	90	80	70	60
Ostvareni prihod u prethodnoj godini <b>od 25.000,00 do 50.000,00 KM</b>	150	140	130	120	110
Ostvareni prihod u prethodnoj godini <b>od 50.000,00-100.000,00 KM</b>	200	190	180	170	160
Ostvareni prihod u prethodnoj godini <b>veći od 100.000,00 KM</b>	250	240	230	220	210

Porezni obveznici iz tačke a) su dužni na obrascu porezne prijave komunalne takse navesti ostvareni prihod u prethodnoj godini.

- b) Pravna lica za **svaku istaknutu firmu**, oznaku, obilježje ili natpis na poslovnim prostorijama i objektima, kojima se označava da pravno lice obavlja privrednu djelatnost ili zanimanje, plaćaju godišnju taksu. Pravna lica, u smislu člana 5. Zakona o računovodstvu i reviziji u Fedraciji Bosne i Hercegovine ("Službene novine Fedracije BiH", broj 15/21), razvrstavaju se na mikro, mala, srednja i velika, u zavisnosti od visine ukupnog prihoda, prosječne vrijednosti poslovne imovine i prosječnog broja zaposlenih u toku poslovne godine, utvrđenih na dan sastavljanja finansijskih izvještaja u poslovnoj godini (na osnovu najmanje dva od navedena kriterija).

Visina takse na istaknutu firmu za pravna lica iznosi:

MIKRO PRAVNO LICE	ZONE – iznos takse u KM				
	EXTRA	I	II	III	IV
ukupan godišnji prihod do 100.000,00 KM	300	290	280	270	260
ukupan godišnji prihod od 100.000,00 do 300.000,00 KM	400	390	380	370	360
ukupan godišnji prihod preko 300.000,00 KM	500	490	480	470	460

MALA PRAVNA LICA	ZONE – iznos takse u KM				
	EXTRA	I	II	III	IV
ukupan godišnji prihod od 700.000,00 do 2.000.000,00 KM	900	850	800	750	700
ukupan godišnji prihod od 2.000.000,00 do 5.000.000,00 KM	1100	1050	1000	950	900
ukupan godišnji prihod od 5.000.000,00 do 8.000.000,00 KM	1300	1250	1200	1150	1100

SREDNJE PRAVNO LICE	ZONE – iznos takse u KM				
	EXTRA	I	II	III	IV
ukupan godišnji prihod do 10.000.000,00 KM	2000	1800	1600	1400	1200
ukupan godišnji prihod od 10.000.000,00 do 20.000.000,00 KM	3000	2800	2600	2400	2200
ukupan godišnji prihod preko 20.000.000,00 KM	4000	3800	3600	3400	3200

VELIKO PRAVNO LICE	ZONE – iznos takse u KM				
	EXTRA	I	II	III	IV
ukupan godišnji prihod do 25.000.000,00 KM	6000	5800	5600	5400	5200
ukupan godišnji prihod od 25.000.000,00 do 35.000.000,00 KM	7000	6800	6600	6400	6200
ukupan godišnji prihod preko 35.000.000,00 KM	8000	7800	7600	7400	7200

**Tarifni broj 2.**

- a) Za držanje sredstava za igru (biljar, automati, fliperi, video igre, pikado) plaća se komunalna taksu godišnje po jednom sredstvu u iznosu od 400,00 KM;

- b) Za držanje sredstava za igre na sreću (aparati za posebne igre na sreću) koja donose novac plaća se komunalna taksa godišnje po jednom sredstvu u iznosu od 3.000,00 KM;

**Tarifni broj 3.**

Za poslovni prostor u kojem se priređuju klasične igre na sreću i posebne igre na sreću koje su definisane odredbama Zakona o igrama na sreću ("Službene novine Federacije BiH", br. 48/15 i 60/15), priređivač igara na sreću dužan je platiti, godišnje, komunalnu taksu u iznosu kako slijedi:

Poslovni prostor u kojem se priređuju klasične i posebne igre na sreću	ZONE – iznos takse u KM				
	EXTRA	I	II	III	IV
Iznos:	10000	8000	6000	5000	4000

**Tarifni broj 4.**

Za držanje i izvođenje muzike uživo u ugostiteljskim objektima plaća se komunalna taksa dnevno u iznosu od **100,00 KM**.

**Tarifni broj 5.**

Za isticanje objava, oglasa i saopćenja na javnim mjestima određenim za te namjene plaća se taksa jednokratno i to:

- a) za seriju do 100 komada - 100,00 KM  
b) za seriju preko 100 komada - 200,00 KM

**Tarifni broj 6.**

Za korištenje prostora na javnim mjestima za kampove (šatore, prikolice, motorna vozila svih kategorija), korisnik usluga obavezan je platiti taksu, po danu:

- a) za svaki šator 2 KM  
b) za kamp prikolicu 1 KM  
c) za motorno vozilo 1 KM.

**Tarifni broj 7.**

Za postavljanje uređaja za isplatu i naplatu gotovine (bankomati) plaća se taksa godišnje po jednom uređaju u iznosu kako slijedi:

Za svaki uređaj za isplatu i naplatu gotovine (bankomati)	ZONE – iznos takse u KM				
	EXTRA	I	II	III	IV
Iznos takse	1000,00	900,00	600,00	400,00	200,00

**Tarifa broj 8.**

Za postavljanje uređaja koji putem automatske obrade podataka naplaćuju usluge gotovinom, karticama za naplatu, ili posredstvom telekom operatera (kafemati, parkomati) plaća se taksa godišnje po jednom uređaju u iznosu **200,00 KM**.

**DIO ČETVRTI - OSLOBAĐANJE OD PLAĆANJA TAKSE****Član 9.**

(Oslobađanje od plaćanja takse)

- (1) U skladu sa Zakonom, od plaćanja takse oslobođeni su:
- institucije Bosne i Hercegovine,
  - organi, organizacije i javne ustanove Federacije Bosne i Hercegovine, Kantona, općina sa područja Kantona i Grada Sarajeva,
  - humanitarne i dobrotvorne organizacije iz osnovne djelatnosti,
  - udruženja koja ne obavljaju privrednu djelatnost,
  - vojni invalidi od plaćanja takse iz člana 2. stav (1) tač. a) i f) ove odluke,
  - lica kojima je rješenjem nadležnog organa priznato svojstvo člana porodice poginulih, umrlih, nestalih i zarobljenih boraca, ratnih vojnih invalida i civilne žrtve rata i
  - privredna društva za zapošljavanje lica sa invaliditetom i zaštitna radionica.
- (2) Od plaćanja takse oslobođeni su i:
- samostalni privrednici sa najmanje 60% invaliditeta;

- crkve i vjerske zajednice koje su upisane u jedinstveni registar za upis crkava i vjerskih zajednica, njihovih saveza i organizacionih oblika u Bosni i Hercegovini koji vodi Ministarstvo pravde Bosne i Hercegovine
- Obrtnici/samostalni privrednici kojima je Zakonom o porezu na dohodak odobreno plaćanje poreza na dohodak u paušalnom iznosu (paušalci) a koji obavljaju djelatnost u oblasti poljoprivrede.

- (3) Oslobađanja iz stava 1. tačka a) do g) i stava 2. tačka a) do c) ovog člana se ne odnose na privređivanje klasičnih igara na sreću i posebnih igara na sreću koje su definisane odredbama Zakona o igrama na sreću ("Službene novine Federacije BiH", broj 48/15 i 60/15) i eventualnim izmjenama i dopunama Zakona.

**Član 10.**

(Izuzete od plaćanja takse za istaknutu firmu)

- Porezni obveznik za istaknutu firmu, veličine table 200x300 mm neće plaćati komunalnu taksu.
- Porezni obveznik koji ispunjava uslov iz stava (1) ovog člana, dužan je prilikom popunjavanja porezne prijave za komunalnu taksu navesti da veličina table za istaknutu firmu iznosi 200x300 mm.

**Član 11.**

(Oslobađanje plaćanja dijela komunalne takse za istaknutu firmu)

- Pravna ili fizička lica koja prvi put registruju djelatnost na području Općine Ilidža, ovom Odlukom, su oslobođena plaćanja takse na istaknutu firmu u trajanju od godinu dana uz izuzetak registracije poslovne jedinice.
- Obveznici takse koji obavljaju djelatnost tradicionalnih i starih zanata, a koji su utvrđeni Uredbom za zaštitu tradicionalnih i starih obrta ("Službene novine Federacije BiH", br. 66/09, 38/10 i 16/12), obavezni su platiti, godišnje, taksu na istaknutu firmu u iznosu 25,00 KM.
- Obrtnici/samostalni privrednici kojima je Zakonom o porezu na dohodak odobreno plaćanje poreza na dohodak u paušalnom iznosu (paušalci) a koji nisu obuhvaćeni Uredbom za zaštitu tradicionalnih i starih obrta, dužni su platiti, godišnje, taksu na istaknutu firmu u iznosu 50,00 KM.
- Pravna lica koja na području Općine Ilidža imaju jednu ili više poslovnih jedinica taksa se razrezuje za svaku poslovnu jedinicu u iznosu od 20 % prema zoni u kojoj se nalazi poslovna jedinica razvrstana po osnovnom pravnom subjektu uz izuzetak pravnih lica koji svoju djelatnost obavljaju u oblasti privređivanja klasičnih i posebnih igara na sreću, bankarstva, osiguranja i reosiguranja i mikro kreditnih organizacija.
- Taksa na istaknutu firmu pravne ili fizičke osobe koja je na osnovu rješenja nadležnog organa prestala obavljati djelatnost u toku obračunskog perioda će se obračunati za broj mjeseci i dana u kojima se obavljala djelatnost.

**DIO PETI- UPLATA I POVRAT TAKSE****Član 12.**

(Uplata takse)

- Taksa iz člana 3. stav 1. tačka a) ove Odluke se uplaćuje na depozitni račun Budžeta Općine Ilidža, šifra Općine 078, sa naznakom vrste prihoda 722322 i poziv na broj 00000000000 u skladu sa Pravilnikom o načinu uplate javnih prihoda budžeta i izvanbudžetskih fondova na teritoriji Federacije BiH i izvorni su prihod Općine Ilidža.
- Taksa iz člana 3. stav 1. tačke b) do h) ove Odluke se uplaćuje na depozitni račun Budžeta Općine Ilidža, šifra

Općine 078, sa naznakom vrste prihoda 722321 i poziv na broj 0000000000 u skladu sa Pravilnikom o načinu uplate javnih prihoda budžeta i izvanbudžetskih fondova na teritoriji Federacije BiH i izvorni su prihod Općine Ilidža.

Član 13.

(Povrat više/pogrešno uplaćene takse)

Povrat više ili pogrešno uplaćene takse na istaknutu firmu vrši se u skladu sa odredbama Pravilnika o načinu uplate javnih prihoda budžeta i izvanbudžetskih fondova na teritoriji Federacije Bosne i Hercegovine i Procedure za povrat više ili pogrešno uplaćenih javnih prihoda sa jedinstvenog računa trezora Općine Ilidža.

Član 14.

(Nadzor i kontrola prijave)

- (1) Nadzor i kontrolu prijave, obračuna i plaćanja općinske komunalne takse vrši Porezna uprava u saradnji sa Službom za finansije.
- (2) Porezna uprava će Službi iz stava (1) ovog člana dva puta u toku kalendarske godine i to do 31. jula i do 31. januara dostavljati evidencije o realizaciji izvršenih uplata općinske komunalne takse.

**DIO ŠESTI - PRELAZNE I ZAVRŠNE ODREDBE**

Član 15.

(Započeti neokonačani postupci)

Postupci razreza visine iznosa takse koji nisu pravosnažno okončani do dana stupanja na snagu ove Odluke, bit će okončani prema odredbama ove Odluke o komunalnim taksama

Član 16.

(Prestanak Odluke)

Danom stupanja na snagu ove Odluke prestaje da važi Odluka o visini komunalnih taksa na području općine Ilidža ("Službene novine Kantona Sarajevo", broj 51/18- Prečišćeni tekst).

Član 17.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-1341/22-4

31. marta 2022. godine

Ilidža

Predsjedavajući  
**Tarik Stambolić**, s. r.

IDENTIFIKACIONI BROJ PORENOG OBVEZNIKA \_\_\_\_\_  
NAZIV PRAVNOG LICA- FIZIČKOG LICA \_\_\_\_\_  
ADRESA: \_\_\_\_\_  
BROJ TRANSAKCIJSKOG RAČUNA \_\_\_\_\_  
OOPP \_\_\_\_\_

PKT

IDENTIFIKACIONI BROJ ZASTUPNIKA PRIJAVE \_\_\_\_\_  
NAZIV ILI IME I PREZIME \_\_\_\_\_  
ADRESA POTPISNIKA PRIJAVE \_\_\_\_\_  
KANTONALNI URED POREZNE UPRAVE \_\_\_\_\_  
ISPOSTAVA ILIDŽA \_\_\_\_\_

Broj telefona \_\_\_\_\_

KOMUNALNA TAKSA ZA ISTAKNUTU FIRMU ZA PERIOD OD \_\_\_\_\_ DO \_\_\_\_\_

oznaka općine-078- ILIDŽA

Redni broj	Adresa	Broj istaknutih firmi	Tarifni broj	Zona	Iznos takse (KM)	Oslobađanje na osnovu člana 9. Odluke	Oslobađanje na osnovu člana 10. Odluke	Oslobađanje dijela takse na osnovu člana 11. Odluke	Iznos takse	Vrsta prihoda	UPLATNI RAČUN
1	2	3	4	5	6	7	8	9	10	11	12
											338-000-22100245-98
										722322	
UKUPNO:											

**NAPOMENA:**

- 1) a) Porezni obveznik (**pravno lice**) ovom prijavom, pod punom materijalnom i krivičnom odgovornošću, izjavljuje da je utvrdio svoj status pravnog lica prema članu 5. Zakona o računovodstvu i reviziji u FBiH ("Službene novine Federacije BiH", broj 15/21).
- b) Porezni obveznik (**fizičko lice**) ovom prijavom, pod punom materijalnom i krivičnom odgovornošću, izjavljuje da je utvrdio svoj status prema ostvarenom prihodu u prethodnoj godini (ZAKRUŽITI ODGOVARAJUĆE):